



Хозиргача ёзув Жанубий Месопотамияда (Бобил) яшаган кадимги шумерлар маданиятида пайдо бўлган, дея хисоблаб келинар эди. Немис археологолари кадимги Миср фиръавни Скорпио Биринчи тобутидан ёзувли котган лой парчасини топишди. Текширувлар лойдаги ёзув 5300 ёшда эканини кўрсатди. Демак, мисрликлар биринчи ёзувга асос солишган экан.

Милоднинг 732 йили вафот этган Кул Тегин кабри тошидаги ёзувлар туркий халк хисобланган ўзбекларнинг илк ёзуви намуналаридир.

Ўрта Осиёдаги энг баланд кадимий меъморий ёдгорлик Бухородаги Минораи Калон бўлиб, унинг баландлиги 46,5 метрдир. Уни 1127 йили қорахонийлардан Арслонхон қурдирган.

Хозирги Ўзбекистон ҳудудида милодий учинчи асрлардаёқ кутубхоналар мавжуд эди. Қуръони каримда 114 та сура, 6266 та оят бор. Замахшарийнинг "Кашшоф" тафсирида ёзилишича, 6666 та оят, 77.439 та сўз, 325.343 та ҳарф бор. Сураларнинг энг каттаси Бақара (286 оят), энг кичиги Ихлос, Наср (3 оятли) сураларидир.

Пайгамбар алайҳиссалом даврларида Қуръонни тўла ёзиб олиб ёдлаган саҳобийлар Убай ибн Каъб, Муоз ибн Жабал, Зайд ибн Собит, Абу Зайд, баъзи ривоятларга кўра Абдул Дардо бўлишган.

Юсуф Хос Хожибнинг 1072 йили ёзган "Қутадғу билиг" (Бахт келтирувчи билим) асари туркий тилдаги биринчи ёзма адабиёт намунасидир.

Ўрта Осиёдаги энг улкан жомеъ – Бибиҳоним масжиди Самарқандда 1399-1404 йиллари қуриб битказилган.

Араб имлосидаги китобларни чоп этишга мўлжалланган биринчи босмахона 1723 йили Аштархон (Астрахан)да очилган.

Улуг қомусий олим Абу Райхон Беруний она тилидан ташқари санскрит, араб, форс, иврит, юнон ва бошқа тилларни яхши билган.

Ўзбек фалакшунос олими Мирзо Улугбекнинг юлдузлар илми ҳақидаги "Зижи Қўрагоний" асари асосида Оврупада юлдузлар жадвали тузиб чиқилган. У бундан беш юз йил олдин йил узунлигини 365 кун 6 соат 8 дақиқа 12 сония деб аниқлаган ва ҳозирги ҳисобда

бор-йўги 35 сонияга адашган.

Абу Аббос Ахмад ал-Фаргонийнинг асосий асари "Китабул ҳаракат ас-самовийя ва жавомий илм ан-нужум" ўн бешинчи асрадаёқ Оврупа университетларида дарслик сифатида ўқитилган.

Ахмад Фаргоний ясаган Мисрдаги Нил дарёси сувини ўлчайдиган асбоб якин-якингача ишлатиб келинди.

Машхур ўзбек олими Абу Али ибн Сино фаннинг турли соҳаларига оид 450 дан ортиқ китоб ёзган, "Китабуш-шифа" 22 жилддан иборат, "Тиб қонунлари" эса саккиз юз йил мобайнида тиббиётдаги асосий қўлланма бўлди.

Туркий халқларнинг нодир ёзма ёдгорликларидан "Ўғузнома", "Бобурнома", "тарихи Абулхайрхон" – Париж ва Лондонда, "Қўрқут ота китоби" (1X аср) – Ватиканда, "Хумо қуши қўшиғи" (14-аср) – Венетсияда, Махмуд Қошғарийнинг "Девону лугатит-турк", Ахмад Яссавийнинг "Девони ҳикмат" (12-аср) китоблари Истанбулда сақланади.

Қуръони қарим милодий 610 йилдан 632 йилгача, яъни йигирма уч йил мобайнида (Мақкада 13 йил, Мадинада 10 йил) Пайғамбаримиз Муҳаммад алайҳиссаломга туширилган.

Қуръони қаримнинг биринчи нозил қилинган ояти Алақ сурасининг дастлабки беш ояти эди.

Ҳиндистонда 10.000 га якин кинотеатр бор, уларга ҳар қуни 15 миллион томошабин қиради.

Қуръони қаримни чоп этиш бўйича Саудия Арабистонидаги подшоҳ Фаҳд академияси фаолият бошлаган ҳижрий 1405 йилдан буён Мусхафни тўқсон қўринишда жами 185 миллион нусхада чоп этди. Ўзбекистонда ҳам Қуръони қарим нашри икки марта амалга оширилган.

Русиянинг Саратов вилоятидаги Духовнитское қишлоғидан 4 академик, 60 фан доктори етишиб чиққан. Булардан 22 нафари ядро физикаси, 8 нафари тиббиёт, 6 нафари биология олимларидир.

Наманган вилоятининг Чортоқ туманидан 70 нафар фан номзоди, 11 фан доктори, шунча таниқли ёзувчи етишиб чиққан.

Ҳаж қунлари хожилар қунига ўртача 10.000 кубометр Замзам суви истеъмол қилишади. Дунёда энг қўп чоп этилган китоб "Инжил"дир, унинг умумий адади 2 миллиард нусхадан ортиқ, икки минг тилга таржима қилинган. Иккинчи ўринда Хитой раҳнамоси Мао Сзе-дуннинг "Танланган асарлари" туради, бу китоб ҳозиргача 894 миллион нусхада чоп этилди.

Ислом оламида ёзилган илк китоб Абдулмалик ибн Журайжнинг (вафоти ҳижрий 150 йил) ҳадис ва осорлар тўпламидир.

Мақкаи муқаррамада ёзилган биринчи китоб Мужоҳид, Ато ва Ибн Аббос шогирдлари тасниф этган "Ҳуруфут-тафсир" китобидир.

Имом Молиқнинг "Муваддо", Суфён Саврийнинг "Жомеъ" асарлари Мадинаи мунавварада битилган илк китоблардир.

Пайғамбаримиз Муҳаммад алайҳиссаломга туширилган илк вахий Аллоҳ таолонинг "Ўқи!" (Иқроъ) деган илоҳий фармон эди.

"Илм" сўзи Қуръони қаримнинг 850 жойида турли қўринишларда қелган.

Биргина милодий ўн олтинчи-ўн еттинчи асрларда Ислом оламида илмнинг турли соҳаларида ишлаётган 86.000 таниқли уламо бор эди.

Милодий тўққизинчи-ўн иккинчи асрларда Гарбнинг 95 фойиз аҳолиси ўқиш-ёзишни

мутлако билмаган.

Кохирадаги Фотимийлар кутубхонасида илмнинг турли сохаларига доир 2 миллион жилд китоб бўлган. Ўшанда Оврупа Кириллик кутубхонасида бор-йўғи 100 жилд китоб бор эди. Андалусиядаги "Ал-Хикам" кутубхонасидаги мавжуд шеърӣ девонлар мундарижасининг ўзи қирк тўрт жилдли китобни тўлдирган.

Тароблусдаги (ҳозирги Ливияда) Бани Аммор кутубхонасида 1 миллион жилд китоб сақланган, унда 180 нуссоҳ (нусха кўчирувчи) эртаю кеч китоб кўчириш билан машғул бўлган.

Аҳоли жон бошига ялпи маҳсулот ишлаб чиқариш бўйича дунёда биринчиликни олган Швейтсария кутубхона-ахборот тармоклари сони бўйича ҳам биринчи ўринда.

Беш миллион аҳоли яшайдиган Финландияда 1500 оммавий кутубхона, шунча китоб таркатувчи пункт, 250 та кўчма кутубхона (библиобус) ишлаб турибди.

Мусулмон Андалусияси пойтахти Куртубада (Кордова) бир миллион аҳоли яшаган, 900 та ҳаммом, 283 минг уй, 600 та масжид, 80 минг қаср бўлган. Бу ердаги 80 та мадрасада қамбағаллар бепул ўқитилган, 50 та шифохона бепул хизмат кўрсатган.

Ибн Жавзий исмли олим 340 дан ортиқ асар ёзган, бу киши китоб ёзмаган илмнинг бирор соҳаси қолмаган.

Ўнинчи аср улуг олимларидан андалусиялик Ибн Рушд умри давомида қавқат икки кеча китоб ўқимаган: бири уйланган ва иккинчиси отаси вафот этган кеча эди.

1988 йилгача Хитой давлат радиоси Гарбнинг поп мусикасини умуман эфирга узатмаган.

Англия телевидениеси "Чоррахалар" телесериалини 24 йил намойиш этган.

Дунёдаги энг қадимий байроқ Британия байроғидир, у "Юнион Жек" (Жек бирлиги) деб ном олган.

Хўжа Насриддин латифаларини биринчи бўлиб ўзбек ёзувчиси Шариф Ризо тўплаган. У йиққан 800 латифанинг ярмидан кўпроғи 1941 йили китобча ҳолида чоп этилган.

Италия пойтахти Римнинг Остиенсе туманида Шаркнинг машҳур олими Абу Али ибн Сино номида қатта кўча бор.

Замонавий ўрис тили лугатида 200.000 га яқин сўз бор.

1645 йилдан Шветсияда нашр этила бошланган "Пост ок инрикес тиднингар" Ер юзидаги энг "қекса" газета саналади.

1656 йил 8 январдан Холландияда чоп этила бошланган "Хаарлемс дахблад" эса энг биринчи реклама-тижорат нашри сифатида тарихга қирди.

Биринчи телевидение рекламаси 1941 йил 1 июлда АКШ телеканалларида берилган.

Ўшанда 20 сония давомида "Бюлов" маркали соат реклама қилинган.

Адади бир миллионга етган илк журнал Парижда қиқадиган "Пти журнал" эди.

Франсиялик ноширлар бу маррани 1886 йили эгаллашди.

АКШнинг Жоржия штатидаги Мэйконе шаҳрида жойлашган қийим-қечак дўқони мунтазам реклама берувчи энг "қекса" миқоздир. У 1889 йилдан бўён маҳаллий "Мэйкон телеграф" газетасида 33.727 марта реклама ва эълонларини чоп эттирди.

АКШнинг Чикаго шаҳридаги "Р. Доннелли ва ўғиллари" матбаа фирмаси йилига 1.300.000 тонна қогоз ва 70.000 тонна бўёқ ишлатади.

АКШда 1550 та қунлик, 7500 та ҳафталик газета нашр этилади. Японияда қунига 74 миллион нусхада газета сотилади.

Японлар газета ўқишга ҳар қуни ўртача 40 дақиқа вақт ажратишади.

Тайландди китоб, газет-журнал қиқарадиган 11.000 та нашриёт бор.

Жаҳон музейларида бизга ватандош мутафаккирларнинг 200.000 га яқин асарлари

сакланмокда.

Энг кимматбахо тасвирий санъат намунаси Леонардо да Винчининг (1452–1519) "Мона Лиза" (Жаконда) асаридир. У 1962 йили Париж сугурта ширкати томонидан 100 миллион долларга баҳоланган.

Биринчи аклий бошкотирма (кроссворд) 1875 йили Нью-Йоркда чикадиган "Сент-Николас" журналининг сентябр сонида босилган. Буни Англиянинг Ньюкаслпон-тайн шахрида яшовчи доктор Кеннет Миллер исботлади.

Энг катта бошкотирмани 1982 йил июлида Канаданинг Квебек шахридан жаноб Робер Трюко тузган. Унда 82.951 катакча бўлган, у 3,6 кв. метр жойни эгаллаган. Трюко энига 12489 та, бўйига эса 13325 та сўзни жойлаган.

Англиянинг Айронбри шахри фукароси Рожер Сквайрз энг кўп бошкотирма тузувчи сифатида тан олинган. У хафтасига 38 тадан кроссворд тузиб, чоп эттирган. 1990 йил сентябридаёқ у тузган бошкотирмалар сони 35.000 тадан ошиб кетган эди.

АКШнинг Калифорния штатидаги оламга машхур "Диснейленд" болалар шахарчаси 1955 йили очилган ва унинг курилишига 17 миллион доллар маблаг сарфланган.

Киноэкраннинг энг машхур қахрамони англиялик изкувар Шерлок Холмс саналади. Ушбу образни 197 филмда 70 нафар актёр ижро этган.

Конвертларга марка ёпиштириш 1842 йилдан бошланган.

Хаж килувчилар сони 1950 йилгача 100 минг кишидан ортмаган, 1955 йили улар сони икки баравар кўпайди, 1983 йилга келиб ҳожилар сони 1 миллионга етди, 2008 йили эса 181 миллатга мансуб 3 миллион киши хаж ибодатини адо этди.

Мусулмонларнинг биринчи масжиди милодий 622 йили (ҳижрий 1 йил) Пайгамбаримиз бошчиликларида Ясриб (Мадина) шахрида қурилган.

Маккадаги Масжидул Харом кенгайтирилганидан кейин унда салкам 3 миллион киши намоз ўқийдиган бўлади. Мадинадаги Масжидун-Набий хонақохи ва ховлисида жами 1,5 миллион киши ибодат қила олади.

Миллиард дакика 19 асрдан кўпроқ вақт, демакдир. Миллиардинчи дакика милодий йил ҳисобида 1902 йили ўтди.

"Робот" атамасини машхур чех ёзувчиси Карел Чапек (1890 – 1938) ўйлаб топган.

1995 – 1998 йилларда Русия нашрларида чоп этилган латифаларнинг 47 фоизи факат қайноналар ҳақида бўлди.

Русиянинг Екатеринбург шахрида Кўринмас одамга (!) ҳайкал ўрнатилган.

Расулulloғга (соллalloғу алайқи ва саллам) мусулмон қолида йўлқиб, суқбатларида бўлган, сўзларини эшитган, мўмин қолида вафот этган киши «сақобий» дейилади, сақобийларнинг умумий сони тақрибан 114 минг киши, баъзи манбаларда 124 минг киши дейилади.

Дунёда ҳаммаси бўлиб 5621 тил ва шева бор, ҳозиргача шулардан 500 таси ўрганилган, 1400 тасининг эса йўқолиб кетиш ҳавфи бор.

Кўзойнақлар 800 ёшда, дастлаб Рим императори Нерон узокни кўриш учун каттақон зумрад тошдан қойдаланган.

Заррабинни (микроскоп) кўзойнақ устаси Захарий Янсен исмли киши тасодифан ихтиро қилган.

Қуръони қаримда 25 пайгамбар номи зикр этилган: булар—Одам, Идрис, Нух, Худ, Солих, Иброҳим, Лут, Исмоил, Исҳоқ, Яъқуб, Юсуф, Айюб, Зулқифл, Шуайб, Мусо, Ҳорун, Довуд, Сулаймон, Илёс, Алясаъ, Юнус, Закариё, Яхё, Исо ва охириги пайгамбар Муҳаммад алайҳимуссаломлардир. Узайр, Лукмон, Зулқарнайн номлари ҳам Қуръонда

келган, улардан баъзилари набий, баъзилари валийдир.

Франсиядаги машхур Эйфел минорасини йилига салкам 7 миллион сайёҳ томоша килади. Амриконинг Ай-Би-Эм корпоратсияси битта молекуладан ташкил топган дунёда биринчи микросхема яратди, у инсон сочи толасидан 100 минг баравар ингичка.

Русиянинг "Маяк" радиостансияси дастурларини кунига 1.350.000 киши тинглайди.

Маккаи мукаррамадаги Масжидул-Харом ўртасидан жой олган 12x9x12 метрли куб шаклидаги корамтир тош бино «Каъба» деб аталади, Куръони карим хабарига кўра, уни илк бор Иброҳим алайҳиссалом ўгли Исмоил алайҳиссалом билан тиклашган.

Каъба устига хар йили янгидан ёпиладиган калин кора мато, яъни каъбапўш 658 квадрат метрли бир-бирига уланган кирк саккиз бўлак матодан иборат, у 450 кило соф ипакдан тайёрланади.

Юз ёшга яқинлашиб колган Англия ёзувчиси Барбари Картпанд бир йилда 26 та роман ёзишни "норма" хисоблайди.

Пайламбаримиз (соллаллому алайҳи ва саллам) жами етти фарзанд – уч қиз, тўрт йил кўрганлар, уларнинг исмлари қуйидагича: Жосим, Зайнаб, Руқайя, Умму Кулсум, Фотимаи Заҳро, Абдуллоҳ, Иброҳим. Уларнинг олти нафари Хадича онамиздан, еттинчиси — Иброҳим эса мисрлик қазрати Мориядан тутилган.

Дунёда энг кўп киноартистга эга мамлакат Шветсия саналади, бу ерда хар 7350 аҳолига биттадан киноактёр тўғри келади.

Голф дунёда энг кўп таркалган спорт турига айланди.

Немис композиторларидан бири "Горбачев" деган опера ёзган.

Маккадаги Масжидул Харом масжидининг умумий сахни 356 минг кв. метр, масжид ўртасидаги Каъба эшиги 280 кило соф олтиндан ясалган.

Хозир дунёда 900 миллиондан ортик саводсиз киши бор.

Японияда жами болаларнинг 85 фоизи богчаларга катнайди.

Япон табиблари аниқлашча, ёқимли мусика овқат хазминини яхшилаб, айрим касалликлар олдини олар экан.

Туркия "ойнаи жаҳон"ида 70 дан ортик телеканал бор.

1880 йилда дунё аҳолисининг бор-йўғи 13,7 фоизи мусулмон эди. Йигирманчи асрнинг 80-йилларига келиб, бу кўрсаткич 16,9 фоизга, минг йилликнинг охирига келиб эса, тахминан 21 фоизга етди. Кейинги эллик йил ичида дунёнинг мусулмон аҳолиси 235 фоизга кўпайди.

Хозир дунёда 3 миллиард 865 миллион киши бирор динга эътиқод килади, буларнинг 1,6 миллиарди насронийлар, 1,5 миллиарди мусулмонлар, 710 миллион киши хиндукийлар ва буддавийлар, 17 миллион киши яҳудийлик динидадир.

Хозирги кунда Ислам оламида тўрт улуг мужтахиднинг – Имом Аъзам (Абу Ханифа), Имом Шофеъий, Имом Молик, Имом Аҳмад ибн Ханбал мазҳаблари амалдадир.

Диёримиз мусулмонлари Имом Аъзам (Ханафий) мазҳабидадирлар.

Дунёдаги энг машхур музейлардан Санкт-Петербургдаги (Русия) Эрмитаж умумий сатҳи 46 минг кв. метр бўлган мингдан ортик залдан иборат, унда 3 миллиондан ортик санъат асари ва қадимий осори-атикалар сақланади. Барчасини айланиб чиқиш учун 24 километр йўл босиш керак.

Буюк Британия пойтахти Лондондаги Букингем қироллик саройида сақланаётган "Амир Темур" зумрад тошининг оғирлиги 631 каратга тенг.

Мисрдаги машхур "Ал-Азхар" дорилфунуни барча шохобчаларида таълим олаётганлар сони бир миллион кишига етади. Уларга олти мингдан зиёд уламо ва мударрис сабоқ

беради.

Бугунги кунда дунёдаги мусулмонларнинг 92,5 фоизи суннийлар бўлиб, улар «Амми суннат вал-жамоа»ни ташкил этишади. Улардан ханафийлар – 47 фоизни, шофеъийлар – 27, моликийлар – 17, ханабалийлар – 1,5 фоизни ташкил этади.

Хозир дунё бўйича 1,5 миллиарддан ортик киши Интернет тизими хизматидан фойдаланмоқда.

Марказий Осиё ўлкаларида жами етмиш мингга яқин дўнган (мусулмон этник хитойлар) истикомат қилади. Эътиқодда сунний мусулмон бўлган дўнганлар кўпроқ ханафий мазхабига мансубдирлар.

Довуд алайхиссаломга Забур, Мусо алайхиссаломга Таврот, Исо алайхиссаломга Инжил, пайгамбаримиз Мухаммад алайхиссаломга Куръони карим туширилган, бу илохий китобларда пайгамбарларнинг ўз замоналарига, ижтимоий шароитларига, урф-одатлари ва қобилиятларига мувофиқ ҳукмлар баён этилган.

Насронийларнинг муқаддас китоби Инжилнинг асл нусхаси ҳойиб бўлган, кейинчалик авлиёлардан Матто, Маркус, Лука, Юханно ёзган тўрт Инжил майдонга чиқди. Булар диннинг асл моҳиятига мос бўлган Барноба Инжилига мос эмас.

Расулulloх (с.а.в.) ҳижратнинг олтинчи йили дунёнинг ўша пайтдаги машҳур подшоҳ ва қиролларига мактуб юбориб, Исломга даъват қилдилар. Пайгамбар алайхиссаломнинг мактублари Византия (Рум) империяси қироли (қайсари) Хираклга, Эрон шоҳи (қисроси) Хисравга, Ҳабашистон ҳукмдори (нажойийига), Миср ҳукмдори Мукавқис ва бошқаларга элчилар орқали етказилиб, улар Аллохнинг тавҳидига қақирилган эди.

Хозирги пайтда Ўзбекистонда 6,5 мингга яқин мактабгача таълим муассасалари, 9800 га яқин мактаб бор, уларда 5,4 миллион бола ўқийди. Мактаблардаги ўқитувчиларнинг 65 фоизи олий маълумотли мутахассислардир.

Хозир мамлакатимизда 1300 дан ортиқ ўрта махсус таълим муассасалари (литсей ва касб-хунар коллежлари) ишлаб турибди, булардан 200 га яқини академик литсейлардир. Республикадаги 67 та олий ўқув юрти: 22 университет, 43 институт ва 2 та академияда бакалавр ва магистр босқичларида таълим берилмоқда, уларда юз минглаб талаба таълим оляпти, уларга 22 минг профессор-ўқитувчи, жумладан 1700 га яқин фан доктори, 7500 дан зиёд фан номзоди таълим беряпти.

Маккадаги Масжидул Ҳаром, Мадинадаги Масжидун-Набавийя, Бухородаги Минораи Қалон, Ҳивадаги Исломхўжа мадрасаси минораси, Анкарадаги Қўжатепа, Истанбулдаги Сулаймония, Мароқашдаги Қутубия, Дамашқдаги Ал-Бадр ва бошқа миноралар дунёда машҳур.

Исломда Аллох таоло томонидан яратилган қўплаб оламлар мавжудлиги эътироф этилади. Улар қуйидагилардир: Олами асгар (энг қичик олам, яъни инсон), Олами барзах (борлиқ дунё билан охираи орасидаги олам, қабр ҳаёти), Олами жабарут (улуглиқ ва қудрат олами), Олами акбар (энг буюқ олам, қоинот), Олами Амр (Аллохнинг амри ила ҳар нарсани таъминлайдиган олам), Олами арвоҳ (руҳлар олами), Олами асбоб (сабаблар олами, бу дунё), Олами гайб (инсон қўзидан пинҳон олам), Олами қавни фасод (бузқўликлар олами), Олами лаҳут (улуҳият олами), Олами носут (маҳлуқотлар олами), Олами шухуд (қўринайдиган олам, бу дунё), Олами зуҳур (ашёларнинг зуҳурланиш олами) ва бошқалар.

Қадимги яҳудийларнинг диний қўрсатмалар қитоби Талмуд иброний тилида «ўрганиш» маъносини билдиради, унинг Бобил ва Қаластин нусхалари мавжуд.

Пайгамбаримизнинг насаблари қуйидагича: Мухаммад (с.а.в.) ибн Абдуллох ибн

Абдулмутталиб ибн Хошим ибн Абдуманоф ибн Кусай ибн Килоб ибн Мурра ибн Каъб ибн ибн Луъай ибн Голиб ибн Фихр ибн Малик ибн ан-Назр ибн Кинона ибн Хузайма ибн Мудрика ибн Иляс ибн Музар ибн Низар ибн Маъдд ибн Аднандир (Бухорий).

Амрико Кўшма Штатларида кунига 70 миллион киши спорт билан шугулланади, 100 миллион киши мунтазам сузиш ва югуриш билан машгулдир. Мамлакатда 4 миллион 350 мингта сузиш хавзаси бор, бу 55 кишига биттадан хавза, демакдир.

Аллох таоло томонидан пайгамбар Мусо алайхиссаломга нозил килинган китоби Таврот иброний тилида "таълим, шариат" маъноларини билдиради, уни «Тора» (конун) ҳам дейишади, у огзаки шаклда милоддан аввалги XVI-XIV асрларда шаклланган, бешинчи асрда Фаластинда китобат килинган.

Дунё бўйича 250 дан зиёд киши коинотга чиккан, улар 21 мамлакат вакиллари дир, фазогирларнинг 70 дан ортиги собик СССР фукаролари бўлишган.

Малайзияда 24 миллион ахоли яшайди, бунинг ярми мусулмонлар дир, мамлакатда Куръон ўргатадиган 5000 ўкув юрти ва 10.000 мураттаб кори бор.

Хозир жахондаги 20 та шаҳарда ўн миллиондан ортик ахоли яшайди. Токио (35,5 миллион), Мехико (19,2 миллион), Нью-Йорк (18,5), Бомбай (18,3), Сан-Пауло (18,3), Нью-Дехли (15,3), Калкутта (14,3), Буэнос-Айрес (13,3), Жакарта (13,2), Шанхай (12,7 миллион киши) биринчи ўнталикка киради.